

新新

神史

記評林序

記評林鶴牧

主水野忠順命田

薦寶豐田一貫等

校正刊刻者蓋字畫

明治二十五年七月七日 文部省交付

新新

新新

之楷正。校勘之精到。較之從前坊刊諸本。太完善矣。余以謏劣。忝備真。

今皇帝侍讀。嚮與三條。

右府謀進讀史記。以世無善本為憾。欲別刊一本。以具御前。適忠順蒙官准。此本刊始成。將



獻呈一本。乞序於余。
余大善資維新文明
之

皇治也。為題數言。

明治二年己巳歲十

月

從四位守大學大監兼侍
讀大藏朝臣種樹撰



後七位守少史源朝臣

之恭謹書



史記評林敘

太史公史記成於天漢而重於宣元之間。班固氏欲自伸其業。故互見其瑜瑕。而王充劉知幾因之。皆有所指駁。而其錯節衍語。異音奧旨。未易通解。以故徐廣韋昭裴駘鄒誕生劉伯莊司馬貞張守節之流。咸爲之訓。故考索學士大夫。乃始彬彬成誦矣。然自東京以前。往往撫襲其體裁。而濶畧於辭法。至陸機劉勰輩。乃稍備稱。


其文而後世因之。第名爲之小抵。而實爲之祖。述者班固氏也。六朝驚綺靡。毋論非指嚮所在。途軌殊矣。其最稱能尊史記者。毋若唐宋人。然知或小近而力不足。其甚乃不過邯鄲之步。陽爲慕之而陰與悖。又何取也。

明興皇猷之渙發。與元精之鬱滯。倍屣往古。而其能爲太史公者。邈不出。

英憲而上不登臺閣。學士大夫無不三致憾焉。

北地而後乃始彬彬。蓋至於今而闐闐其書操觚之士。腹笥吻筆。亡適而非太史公。噫嘻亦盛矣哉。第訓故之家。所傳聞異辭。苦於不能徧而習者不得於事。則姑傳會以文之。不得于旨。則姑穿鑿以逆之。昧法於篇。則姑掩其句。昧法於句。則姑剽其字。膚立者持門戶。皮相者矜影響。栩栩然自謂入龍門之室。而不知其轍望砥柱之杪而背馳矣。世貞曰。余讀史記者三嘗掩卷。

而歎其未逮也。乃今凌以棟先之矣。以棟之爲
史記也。其言則自註釋以至贊隲。其人則自漢
以及嘉隆。無所不附載。而時時旁引他子史。以
已意撮其勝。而爲之宣明。蓋一發簡而瞭然若
指掌。又林然若列瓌寶于肆。而探之也。自今而
後。有能紹明司馬氏之統。而稱良史至文者。舍
以棟奚擇哉。或謂褚先生之續武紀。與他傳也。
胡以弗刪也。曰。以棟任述者也。非任刪者也。其
既已知之。毋嫌乎武夫之消聲也。然何以稱評
林也。夫有訓詁者在。而獨稱評志林也。其於以
棟取志焉。可也。吳郡王世貞撰。



刺史記評林序

太史公司馬遷之抽石室。而次史記也。凌軼百代。而西京以下。絕無有闖其室而入其解者。何哉。予嘗仰觀於天。而次其日月五星三垣二十八宿。古之甘石二家之所不能易也。俯察於地。而次其名山大川。則壤弼服。古之禹貢職方氏之所不能越也。中觀於人。而次其百官萬物。與夫吉凶進退之宜。古之周官爾雅庖犧氏以來。

諸家之易之所不能殫也。何者天地間萬物之情各有其至而太史公之才天固縱之以虬龍杳幻之怪。騶夷超逸之姿。然於六藝百家之書無所不讀。獨能抽其雋而得其解。故於三皇五帝邈矣。次夏商以來。治亂興亡。因革損益之大。王侯將相功罪名實之徵。律曆天官封禪平準之變。讒言冶色亂臣賊子之詳。班彪父子雖或不能無譏。要之其所獨得其解處。譬之雲漢之蔚而爲象。風雷之觸而成聲。天動神解。洞竅權髓。孔氏沒而上下二千年來。此其風騷之極者已。世之讀其書而好之者衆矣。搢紳學士間出而摹畫之者。抑並焦心殫思矣。然予伏讀之。譬則奏鈞天於洞庭之野。而伶人樂工或得其絲。或得其竹。引商刺羽。繁文促節之細者爾。求其八音之備。六律之鬯。規規於耳所得而嘗者。且不能也。而况望其馬仰秣。而魚出聽。天神地祇。

之翩然乎來而翔也。而耳之所不得而盡嘗者乎。予故謂太史公復出。雖欲自言其至。而亦有所不能者。予鄉凌君。以棟氏少隨其父尚書郎藻泉公。讀諸家之評。輒自喜。稍稍日鏘而夕次之。不特舊所刻索隱正義與韋昭裴駙服虔杜預王肅賈逵徐廣輩所注而已也。

國朝宋文憲而下。名儒碩卿。騷人處士。苟其一言一字之似迂疎荒繆若予者。無不蒐羅而標

引之甚。且以太史公所本者。左氏國語戰國策。及吳越楚漢呂不韋春秋也。而載之未詳者。君并詳之。後太史公而越絕說苑新序論衡與夫韓詩外傳風俗白虎二通之書。所可參互者。君又撮而系之。下之唐宋諸賢之文。與地理指掌圖等書。苟其可以相折衷處。君皆爲之髮櫛而緡貫焉。可謂勤矣。猶之採南山之藥。而牛溲馬渤。敗龜破鼓。君無不以貯之篋。而入之肆。以需

異日倉公扁鵲者之按而求也。雖然耳之所得而嘗。世之學士所得手指而口畫之者。君且能不遺已而耳之所得不得而嘗。非獨世之學士所不得而指且畫。雖太史公之自爲至而自不能言其所至。以授之人人者。君得無聞秦青之曲而猶有餘憾者乎。刺旣成。題之曰評林。噫茲編也。殆亦渡海之筏矣。而後之讀其書。想見其至。當必有如古人所稱湘靈鼓瑟於秋江之上。曲終而人不見者。

萬曆丙子年季冬月朔日歸安茅 坤書

史記評林序

今夫史者。其得失之林乎。百世而上評於史。而史則評于百世之下。史何容易哉。甚矣其評之難也。說者以古帝王右史記言。左史記事。言爲尚書。事爲春秋。司馬遷兼之。故名曰史記。而評之者無慮數百家。夫易始庖羲。詩逮列國。及禮樂之治。神人何者。非事。何者。非言。則何者。非記。而不謂之史。故易掌於史。詩陳于史。禮樂詔于

史老聃居柱下。夫子就繙十二經。經藏於史。尚矣。第聖人所刪述者。則尊之爲經。寧獨尚書春秋乎哉。卽以史記本之尚書。而詳於春秋。其亦失遷之所以作乎。姑以春秋言之。其爲一代得失之林。經夫子所筆。無容於評矣。而其所削若左傳國語。乃盛述于立。爲史氏之宗。雖言其得者十六七。而言其失亦二三。要其不可廢。則與春秋並傳矣。蓋其所述者。列國而非一家之私

也。史記所采。其事其文。戰國以前。非惟孔子所不取。而傳語之所遺者。皆窮搜而博訪。傳之以年。語之以國。而論其立。各得其一體。遷則勒而爲五。以迄于天。藻固有殘缺。大較其體備矣。尙未盡善。雖不免于有評。而稱其盡美者。亦不能無溢詞。乃余之論。則頗異于諸家。遷之自敘。遠追于二正。近承乎五百。而紬石室。金匱。紹明世。正易傳。繼春秋。本詩書禮樂之際。而自任見於

言表何其狂也。六藝各爲一經。夫子且述而不作。遷各敘其所長。乃獵涉其事。爲三十篇。成家之言。協異傳而齊雜說。將盡三千年事。以俟後聖君子。不自掩乎闕如。何其簡也。若在孔氏之門。其亦裁于進取之列矣乎。蓋自亂臣賊子作。夫子志在春秋。上行天子之道。以知我罪我。自任文成數萬事。指數千。褒貶于一字之間。而游夏不能贊者。其義則獨取。非槩因乎舊史也。

故本魯國一儒。而遷爲立于世家。其曰雖不能至。然心鄉往之。其志可知已。又以言六藝者。必折衷于夫子。其義可知已。乃志繼麟止。則上歷於黃帝。而變其編年。各自以爲義。前無所襲。後以爲法。而與左氏傳語。皆爲自世不可廢。非命世之才。其孰能與於斯。余之所與者。志也。義也。而才非所論矣。彼狂簡者。其才不庶幾哉。譏于鄉原。而爲其所短。裁於聖人。則必有所長。要之

于猥加一等矣。遷實史之狂簡。而班固又其次也。史記體裁既立。固因之而成書。不過稍變一二。誠易爲力者耳。其餘諸儒鑽仰訓詁。承爲集解。至二十四家。而史記解釋者少。歷代之宗漢書。至宋尤爲盛。其宗史記者。乃始盛于今日之百家。然二氏皆良史才。而其得失靡定者。蓋各因時所尚。而資之近者爲言耳。若夫卓然揚扆之。不但論其才。則余不佞竊識其大如此。吳興凌以棟之爲評林。何爲哉。蓋以司馬成名史而必推本乎世業。凌氏以史學顯著。自季默有概矣。加以伯子稚哲所錄。殊致而未同歸。以棟按其義。以成先志。集之若林。而附于司馬之後。觀乎所裒。次其才可概見。已使紬金匱石室。其自成一家言。何如哉。茅順甫旣詳序之。而余則與其大者矣。顧余嘗有所評。以棟未之及。知乃引其大都于端。亦以備百家之一云爾。

萬曆丁丑歲仲秋月之吉日
賜進士出身中奉大夫江西布政使司右布政
使天目徐中行撰



序畢

史記索隱序

朝散大夫國子博士弘文館學士河內司馬貞
史記者。漢太史司馬遷父子之所述也。遷自以承
五百之運。繼春秋而纂是史。其褒貶覈實。頗亞於
丘明之書。於是上始軒轅。下訖天漢。作十二本紀。
十表。八書。三十系家。七十列傳。凡一百三十篇。始
變左氏之體。而年載悠邈。簡冊闕遺。勒成一家。其
勤至矣。又其屬稿先據左氏國語系本。戰國策楚
漢春秋。及諸子百家之書。而後貫穿經傳。馳騁古
今。錯綜彙括。各使成一國一家之事故。其意難究。

詳矣。比於班書。微爲古質。故漢晉名賢未知見重。所以魏文侯聽古樂。則唯恐臥。良有以也。逮至晉末。有中散大夫東莞徐廣。始考異同。作音義十三卷。宋外兵參軍裴駟。又取經傳訓釋。作集解。合爲八十卷。雖麤見微意。而未窮討論。南齊輕車錄事鄒誕生。亦作音義二卷。音則微殊。義乃更略。爾後其學中廢。貞觀中。諫議大夫崇賢館學士劉伯莊。達學宏才。鉤深探賾。又作音義二十卷。比於徐鄒。音則具矣。殘文錯節。異音微義。雖知獨善。不見苟通。欲使後人從何準的。貞觀聞陋識。頗事鑽研。而家傳是書。不敢失墜。初欲改更舛錯。禪補疎遺。義有未通。兼重註述。然以此書殘缺雖多。實爲古史。忽加穿鑿。難允物情。今止探求異聞。採摭典故。解其所未解。申其所未申者。釋文演註。又爲述贊。凡三十卷。號曰史記索隱。雖未敢藏之書府。亦欲以貽厥孫謀云。

史記索隱序 終

史記索隱後序

司馬貞

夫太史公紀事。上始軒轅。下訖天漢。雖博采古文。及傳記諸子。其間殘缺蓋多。或訪搜異聞。以成其說。然其人好奇而詞省。故事覈而文微。是以後之學者。多所未究。其班氏之書。成於後漢。彪既依遷而述。所以條流更明。且又兼采衆賢。羣理畢備。故其旨富。其詞文。是以近代諸儒。共所鑽仰。其訓詁。蓋亦多門。蔡謨集解之時。已有二十四家之說。所以於文無所滯。於理無所遺。而太史公之書。既上

序軒黃中述戰國。或得之於名山壞宅。或取之以
舊俗風謠。故其殘文斷句難究詳矣。然古今爲註
解者絕省。音義亦希。始後漢延篤乃有音義一卷。
又別有音隱五卷。不記作者何人。近代鮮有。二家
之本。宋中散大夫徐廣作音義一十卷。唯記諸本
異同。於義少有解釋。又中兵郎裴駟亦名家之子
也。作集解註本。合爲八十卷。見行於代。仍云亦有
音義。前代久已散亡。南齊輕車錄事鄒誕生亦撰
音義二卷。音則尚奇。義則罕說。隋祕書監柳顧言
尤善此史。劉伯莊云。其先人曾從彼公受業。或音
解隨而記錄。凡三十卷。隋季喪亂。遂失此書。伯莊
以貞觀之初。奉敕於弘文館講授。遂采鄒徐二說。
兼記憶柳公音旨。遂作音義三十卷。音乃周備。義
則更略。惜哉古史微文。遂由數賢秘寶。故其學殆
絕。前朝吏部侍郎許子儒亦作註義。不覩其書。崇
文館學士張嘉會獨善此書。而無註義。貞少從張
學。晚更研尋。初以殘缺處多。兼鄙褚少孫誣謬。因
憤發而補史記。遂兼註之。然其功殆半。乃自唯曰。
千載古史良難紬繹。於是更撰音義。重作贊述。益
欲以剖盤根之錯節。遵北轅於司南也。凡爲三十

史記索隱後序
卷號曰史記索隱云

史記索隱後序 終

補史記序

司馬貞

太史公古之良史也。家承三正之業。人當五百之運。兼以代爲史官。親掌圖籍。慨春秋之絕筆。傷舊典之闕文。遂乃錯綜古今。囊括記錄。本皇王之遺事。採人臣之故實。爰自黃帝迄于漢武。歷載悠邈。舊章罕補。漁獵則窮於百氏。筆削乃成於一家。父作子述。其勤至矣。然其敘勸褒貶。頗稱折衷。後之作者。咸取則焉。夫以首創者難爲功。因循者易爲力。自左氏之後。未有體制。而司馬公補立紀傳規

模別爲書表題目。觀其本紀十二。象歲星之一周。八書有八篇。法天時之八節。十表放剛柔十日。三十世家。比月有三旬。七十列傳。取懸車之暮齒。百三十篇。象閏餘而成歲。其間禮樂刑政。君舉必書。福善禍淫。用垂炯誡。事廣而文局。詞質而理暢。斯亦盡美矣。而有未盡鑿者。具如後論。雖意出當時。而義非經遠。蓋先史之未備。成後學之深疑。借如本紀敘五帝。而闕三皇。世家載列國。而有外戚。邾許春秋次國。略而不書。張吳敵國。蕃王抑而不載。竝編錄有關竊所未安。又列傳所著。有管晏及老

子韓非。管晏乃齊之賢卿。卽如其例。則吳之延陵。鄭之子產。晉之叔向。衛之史魚。盛德不闕。何爲蓋闕。伯陽清虛爲教。韓子峻刻制法。靜躁不同。德刑斯外。今宜杜史共漆園同傳。公子與商君竝列。可不善歟。其中遠近乖張。詞義踳駁。或篇章倒錯。或贊論麤疎。蓋由遭逢非罪。有所未暇。故十篇有錄無書。是也。然其網絡古今。敘述懲勸。異左氏之微婉。有南史之典實。所以楊雄班固等咸稱其有良史之才。蓋信乎。其然也。後褚少孫亦頗加補綴。然猶未能周備。貞業謝顓門人。非博古。而家傳是學。

頗事討論。思欲續成先志。潤色舊史。輒黜陟陞降。改定篇目。其有不備。立採諸典籍。以補闕遺。其百三十篇之贊記。非周悉。立更申而述之。附于衆篇之末。雖曰狂簡。必有可觀。其所改更。具條于後。至如徐廣。唯略出音訓。兼記異同。未能考覈是非。解釋文句。其裴駙實亦後進名家。博採羣書。專取經傳訓釋。以為集解。然則時有冗長。至於盤根錯節。殘缺紕繆。咸拱手而不言。斯未可謂通學也。今輒按今古。仍以裴為本。兼自見愚管。重為之註。號曰小司馬史記。然前朝顏師古止註漢史。今立謂之顏氏漢書。貞雖位不逮顏公。既補史舊。兼下新意。亦何讓焉。

補史記序 終

史記正義序

諸王侍讀宣議郎守右清道率府長史張守節上
史記者。漢太史公司馬遷作。遷生龍門。耕牧河山
之陽。南遊江淮。講學齊魯之郡。紹太史繼春秋。括
文魯史。而包左氏國語。采世本戰國策。而摭楚漢
春秋。貫紬經傳。旁搜史子。上起軒轅。下旣天漢。作
十二本紀。帝王興廢。悉詳。三十世家。君國存亡。畢
著。八書。贊陰陽禮樂。十表。定代系年。封七十列傳。
忠臣孝子之誠備矣。筆削冠於史籍。題目足以經
邦。裴駟服其善序事理。辯而不華。質而不俚。其文

直其事核不虛美不隱惡故謂之實錄自劉向楊雄皆稱良史之才況墳典湮滅簡冊闕遺比之春秋言辭古質方之兩漢文省理幽守節涉學三十餘年六籍九流地里蒼雅銳心觀採評史漢詮衆訓釋而作正義郡國城邑委曲申明古典幽微竊撰其美索理允愜次舊書之旨兼音解註引致旁通凡成三十卷名曰史記正義發揮膏肓之辭思濟滄溟之海未敢侔諸秘府冀訓詁而齊流庶貽厥子孫世疇茲史于時歲次丙子開元二十四年八月殺青斯竟

史記正義序終

史記集解敘

宋中郎外兵曹參軍裴駘

索隱曰裴駘字龍駒河東聞喜人宋中郎外兵曹參軍父松之字世期太中大夫註三國志宋書父子同傳○正義曰裴駘採九經諸史并漢書音義及衆書之目而解史記故題史記集解序序緒也孫炎云謂端緒也孔子作易序子夏作詩序其來尚矣

班固有言曰

索隱曰固作漢書作司馬遷傳評其

駘此序先引之爲說也按班固字孟堅扶風人後漢明帝時仕至中護軍祖穉穎川太守父彪徐令續太史公書司馬遷正義曰司馬遷字子長左馮翊人

百三十篇父談據左氏國語索隱曰仲尼作春秋亦爲太史令

合三十篇故曰左氏傳國語亦丘明所撰上起周之穆王下訖敬王其諸侯之事起魯莊公迄春秋末凡二采世本戰國策索隱曰按劉向云世本十一篇

所記也錄黃帝以來帝王諸侯及卿大夫系論名號凡十五篇也按戰國策高誘云六國時縱橫之說也一日短長書亦曰國事劉向撰為三十篇名曰戰國策按此是班固取其後名而書之非遷時已名戰

述楚漢春秋索隱曰漢太中大夫楚人陸賈所撰記項氏與漢高祖初起及說惠接其後事訖于天漢索隱曰武帝年號

其言秦漢詳矣至於采經摭傳索隱曰漢之武帝天漢之年也其言秦漢詳矣至於采經摭傳按字書

分散數家之事甚多疏略或有抵牾索隱曰抵音丁禮反牾音吾故反抵者觸也牾亦斜相抵觸之名按今屋梁上斜柱是也斜觸謂之牾下

廣博貫穿經傳馳騁古今上下數千載間斯已勤矣正義曰言作史記采經傳百家之事又其是非

頗謬於聖人之教索隱曰聖人謂周公孔子也言周孔老崇勢利是謬於聖人正義曰太史公乃先黃

顯六家之宗黃老道家之宗六經儒家之首序游俠則退處士述貨殖則崇勢利處士賤貧原憲非

病夫作史之體務涉多時有國之規備陳臧否天人地理成使該通而遷天縱之才述作無滯故異

固作漢書與史記同者五十餘卷謹寫史記少加異者不弱即劣何更非剝史記乃是後士妄非前賢又史記五十二萬六千五百言敘二千四百一十三年事漢書八十一萬言敘二百二十五年事司馬遷引父致意班固父論大道則先黃老而後修而蔽之優劣可知矣

六經正義曰大道者皆稟乎自然不可稱道也道在天

黃帝老子遵崇斯道故太史公序游俠則退處士

論大道須先黃老而後六經而進姦雄索隱曰游俠謂輕死重氣如荆軻豫讓

相從游行挾持之事又曰同是非曰述貨殖正義曰

生也言貨則崇勢利而羞賤貧正義曰趨利之人此其所

救也正義曰此二者是然自劉向揚雄博極羣書

皆稱遷有良史之才服其善序事理辯而不華質

而不俚索隱曰俚音里劉德曰俚即鄙也崔浩云世有鄙俚之語則俚亦野也謂詞不鄙樸

其文且其事核不虛美不隱惡故謂之實錄駟以

為固之所言世稱其當正義曰駟音因當音丁浪反裴駟以班固所論司馬

遷史記是非世雖時有紕繆索隱曰紕音匹之反人稱班固之言雖時有紕繆也亦作性字

書云織者兩絲同齒曰性繆亦與繆同實勅成一家正義曰雖有小

一家之總其大較索隱曰較音角較猶畧也則大較猶言大略也正義曰較猶明

也信命世之宏才也索隱曰按孟子云五百年之次聖之才物來能名此言命者名也言考較此書

賢人有名於世也宏才大才謂史遷

文句不同有多有少莫辨其實而世之惑者定彼

從此是非相質真偽外襍正義曰質音茂外音昌轉反言世之迷惑淺識

之人或定彼從此本更相質易真偽襍亂不能辨其是非故中散大夫東莞徐

廣研核衆本為作音義正義曰作音義十三卷裴駟為註散入百三十篇

具列異同兼述訓解正義曰徐作音義具列異同之本兼述訓解釋也

有所發明而殊恨省略索隱曰殊絕也左傳曰新其木不殊言絕恨其所撰

大省略○正義曰：按東方朔云，以曰省音山景反。聊以愚管，索隱曰：按東方朔云，以

小也。然此語本出莊子文，今云愚管者，是增演徐駟謙言，已愚陋管見所識，不能遠大也。

氏：正義曰：演音羊善反，增益也。采經傳百家并先言裴駟更增益演徐氏之說。

儒之說：正義曰：采取也。或取傳說採諸子百家兼取先儒之義，先儒謂孔安國鄭玄服虔賈逵等是也。言百

家廣其非一。豫是有益，悉皆抄內。正義曰：竝採裨益史記盡抄內，刪其游詞，取其要實。正義曰：刪

其中抄音楚交反。刪其游詞，取其要實。正義曰：刪游之詞，取其精要之實。或義在可疑，則數家兼列。

正義曰：兼列數家之說，不同各有道理。致生疑惑，不敢偏棄，故皆兼列也。漢書音義稱

臣瓚者莫知姓氏。索隱曰：按卽傳瓚，而劉孝標以穆帝時爲大將軍，誅死，不言有註漢書之事，又其

註漢書有引祿秩令及茂陵書，然彼二書入於西

晉非下所見也。必知是傳瓚者，按穆天子傳目錄云：傳瓚爲校書郎，與荀勗同校定穆天子傳，卽當

西晉之朝，在于之前，尚見茂陵等書，又稱今直云臣者，以其職典祕書故也。瓚音殘，岸反。

瓚曰：又都無姓名者，但云漢書音義。正義曰：漢書無姓名者，裴氏註史記直云：漢書音義按大顏以爲無名義，今有六卷題云孟康或云服虔，蓋後所

加皆非其實。時見微意有所裨補。正義曰：見音賢未詳指歸也。時見微意有所裨補，見反。裨音卑，又

音頻，異反。裨益也。裴氏云：時見已之微意，亦有所裨益也。譬譬星之繼朝陽。索

曰：譬，微小貌也。詩云：譬彼小星，三五在東。言衆無名微小之星，各隨三心五嚙，出自東方，亦能繼朝

陽之光。譬音火慧反。朝陽日也。譬星繼朝陽，喻已淺薄而註史記也。飛塵之集華嶽。

正義曰：西嶽華山，極高大。裴氏自喻才藻輕小，如飛塵之集華嶽，亦能成其高大。管子云：海不辭水，故能成其大。山不辭土，故能以徐爲本。正義曰：徐

成其高，華音故化反。又如字。以徐爲本。廣音義辨

故能成其大。山不辭土，故能以徐爲本。正義曰：徐

成其高，華音故化反。又如字。以徐爲本。廣音義辨

諸家異同故號曰集解未詳則闕弗敢臆說正義曰

以徐為本也未詳審之處則闕而不論人心不同正義曰

敢以胸臆之中而妄解說也既乖其詞所以各異也班氏

同所見亦聞見異辭正義曰耳聞目見心意殊別也

所謂疏略抵牾者依違不悉辯也索隱曰裴氏言

復辨明之也按周公世家敘傳曰依之違之周公綏之是也愧非胥臣之多聞

索隱曰晉大夫曰李名曰胥臣按國語稱晉文公使趙衰為卿辭曰藥枝貞慎先軫有謀胥臣多聞

皆可以為輔又胥臣對文公黃帝二十子產之博物

索隱曰鄭卿公孫僑字子產按左氏傳子產聘晉言晉侯之疾非實沈臺駘之祟乃說飲食哀樂及

內官不及同姓則能生疾晉侯聞子產之言曰博物君子妄言未學無穢舊史

豈足以關諸畜德庶賢無所用心而已索隱曰關

謂積德多學之人也裴氏謙言已今此集解豈足

關預於積學多識之士乎正是冀望聖賢勝於飽

食終日無所用心愈於論語

所謂不有博奕者乎之人耳

史記集解敘終

史記正義論例

諸王侍讀宣議郎守右清道率府長史張守節 上

論史例

古者帝王。右史記言。左史記事。言爲尚書。事爲春秋。太史公兼之。故名曰史記。并採六家雜說以成一史。備論君臣父子。夫妻長幼之序。天地山川國邑名號。殊俗物類之品也。太史公作史記。起黃帝高陽高辛。唐堯虞舜夏殷。周秦訖于漢武帝。天漢四年。合二千四百一十三年。作本紀十二。象歲十二月也。作表十。象天之剛柔十日。以記封建世代終始也。作書八。象一歲八節。以記天地日月山川禮樂也。作世家三十。象一月三十日。三十輻共一轂。以記世祿之家。輔弼股肱之臣。

忠孝得失也。作列傳七十象一行七十二日。言七十者舉全數也。餘二日象閏餘也。以記王侯將相英賢。略立功名於天下。可序列也。合百三十篇象一歲十二月及閏餘也。而太史公作此五品。廢一不可以紆理天地。勸獎箴誠。為後之楷模也。

論注例

史記文與古文尚書同者。則取孔安國注。若與伏生尚書同者。則用鄭玄王肅馬融所釋。與三傳同者。取杜元凱服虔何休賈逵范甯等注。與三禮論語孝經同者。則取鄭玄馬融王肅之注。與韓詩同者。則取毛傳鄭箋等釋。與周易同者。則依王氏之注。與諸子諸史雜書及先儒解釋善者。而裴駟並引為注。又徐中散作音訓。校集諸本異同。或義理可通者。稱一本云。又一本云。自是別記異文。裴氏亦引之為注也。

論字例

史漢文字相承已久。若悅字作說。閑字作閒。智字作知。汝字作女。早字作蚤。後字作后。既字作漑。勅字作飭。制字作制。此之般流。緣古少字。通共用之。史漢本有此古字者。乃為好本。程邈變篆為隸。楷則有常。後代作文。隨時改易。衛宏官書數體。呂忱或字多奇。鍾王等家。以能為法。致令楷文改變。非復一端。咸著秘書。傳之歷代。又字體乖日久。其黼黻之字。法從黼。反。今之史本。則有從端。音。秦本紀云。天子賜孝公黼黻。鄒誕生音甫弗。而鄒氏之前史本。已從端矣。如此之類。並即

依行不可更改。若其龜鼉從龜，辭從舌，覺學從與，黍恭從小，匱匠從走，巢藻從果，耕籍從禾，席下為帶，美下為大，裒下為衣，極下為點，析旁著片，惡上安西，餐側出頭，離邊作禹，此之等類，例直是訛字。寵勅勇反字為錫音陽以支章侈反代文問分反將无混無，若茲之流，便成兩失。

論音例

史文與傳諸書同者，劉氏並依舊本為音。至如太史公改五帝本紀，便章百姓，便程東作，便程南譌，便程西成，便在伏物，咸依見字讀之。太史變尚書文者，義理特美，或訓意改其古，澀何煩如劉氏，依尚書舊音，斯例蓋多，不可具錄。著在正義，隨文音之。君子宜詳其理，庶明太史公之達學也。然則先儒

音字，比方為音。至魏秘書孫炎始作反音，又未甚切。今並依孫反音以傳後學。鄭康成云：其始書之也，倉卒無字，或以音類，比方假借為之。趣於近之而已。受之者非一邦之人，其鄉同言異字，同音異於茲，遂生輕重訛謬矣。然方言差別固自不同。河北江南最為鉅異，或失在浮清，或帶於重濁。今之取捨，冀除茲弊。夫質有精麤，謂之好惡，並如字心有愛憎，稱為好惡。去聲當體則為名譽，音預情乖則曰毀譽，音餘自壞手怪反壞徹音上聲自斷徒緩反自刀斷端管反以刀耶也奢反未也亦且反怪也去離也也助句之語復音伏又扶過古臥反解核買反間紀覓反畜許又許也富反重也。過越度也解自散也間隙也畜許又許也反養先蘇前反仙肩然反尤羽求反族胡溝反治持並音直之止而反脂砥祗並音旨夷反。惟維遺唯並音以怡貽頤詒並音與夷寅彛煖

竝音以私息脂反綏雖雖菱竝音息遺反惇司伺絲竝音巨支反卮枝祇

肢竝音章移反祗歧竝音巨支反其期旗基蹏竝音渠之反祈頡旂幾畿竝音

渠希其反僖熙嬉嘻竝音許其反希晞晞稀竝音虛幾反霏妃菲駢竝音芳非反

飛非扉竝音匪肥反尸屍著竝音式脂反詩書之反巾居人反斤筋舉欣反篇

偏竝音芳連反穿詳連反里李裏竝音良止反至贄竝音脂利反志之反利涖竝音力

至吏力置反寺嗣飼竝辭吏反字特竝疾置反自疾一反置致躋鷲竝陟利反器

去糞反氣去既反亟去吏反冀概几利反既居未反覆敷救反又敷福反副敷救反

富鏡竝府副反若斯清濁實亦難分博學碩材乃有甄異此例極

廣不可具言庶後學士幸留意焉

音字例

文或相似音或有異一字單錄乃恐致疑兩字連文檢尋稍

易若音上字言上別之所音下字乃復書下有長句在文中

須音則題其字

發字例

古書字少假借益多字或數音觀義點發皆依平上去入若

發平聲每從寅起又一字三四音者同聲異喚一處共發恐

難辨別故略舉四十二字如字初音者皆為正字不須點發

畜許六反養也又許救反從訟容反隨也又縱容反南北長

又從用反侍從也數色具反曆數迷數也又色角反頰也五傳逐戀反

又逐全反相付也卒子律反卒終也又蒼忽反急也尊忽反

君也徵也又頻亦反罪也開也疋亦反邪也又施書移反張

疋鼓反諭也又音避隱也又普覓反辟歷也又施書移反張

反與也又羊間紀閑反隙也又紀覓反射蛇夜反射也又夏

音字例 正義論例

胡馬反禹號也又胡嫁反春復符富反重也又音伏重直拱

也直龍反疊也適聖石反寬也之也又音福除役之也重直拱

又音几邑名在襄城又孚劍反為水在定陶樂音岳謂音樂

好也又音五教反覆敷富反蓋也文恐丘拱反懼也又惡鳥各

也又音烏路反憎也斷端管反有物割截也又段緩反解位買

結縛也又核買反散也又佳幾音機廢幾也又音祈近也又

也過音戈經過也罪過也又率所律反平例也率伏也又音

反將帥也類屈丘勿反曲也又君勿反姓上時讓反位也元

下而上王于放反霸王長直良反久也又藉才昔反名籍也

夜反即培勃回反補也又勝音升又難乃丹反艱也使所里

借也息羊反又沈針甚反又沈禁反厭沒也任入今反又棺

所吏相息匠反又沈今反又沈禁反厭沒也任入今反又棺

也反姓也古患反斂之也又造曹早反七妻切帝反費音秘邑也扶味

也反姓也古患反斂之也又造曹早反七妻切帝反費音秘邑也扶味

史記正義論例終

史記正義法解

張守節 上

惟周公旦太公望開嗣王業。建功于牧野。終將葬乃制諡。遂敘諡法。諡者行之迹。號者功之表。古者有大功則賜之尊號以為稱也。車服者位之章也。是以大行受大名。細行受細名。行出於已。名生於

人名謂號諡

民無能名曰神。不名一善

一德不懈曰簡。一不委曲

靖民則法曰皇。靖安

平易不訾曰簡。不訾不信

德象天地曰帝。同於天帝

尊賢貴義曰恭。尊事賢人。籠貴義士。

仁義所往曰王。民往歸之

敬事供上曰恭。供奉也

立志及眾曰公。志無私也

尊賢敬讓曰恭。敬有德讓有功

執應八方曰侯所執行入

既過能改曰恭言自

賞慶刑威曰君能行四者

執事堅固曰恭守正不移

從之成羣曰君民從之

愛民長弟曰恭順長接弟

揚善賦簡曰聖所稱得人所善得實所賦得簡

執禮御賓曰恭迎待賓也

敬賓厚禮曰聖厚於禮

比親之闕曰恭修德以益之

照臨四方曰明以明照之

尊賢讓善曰恭不專己善推於人

諧訴不行曰明逆知行之

威儀悉備曰欽威則可畏儀則可象

經緯天地曰文成其道

大慮靜民曰定思樹惠

道德博聞曰文無不知

純行不爽曰定行一不傷

學勤好問曰文下問

安民大慮曰定以慮安民

慈惠愛民曰文惠以成政

安民法古曰定不失舊意

愍民惠禮曰文惠而有禮

辟地有德曰襄取之以義

賜民爵位曰文與同升

甲冑有勞曰襄亟征伐

綏柔士民曰德安民以居安士以事

剛彊直理曰武剛無欲強不屈懷忠恕正曲直

小心畏忌曰僖思所當息

質淵受諫曰釐深故能受

諫爭不威曰德不以威拒諫

有罰而還曰釐知難而退

威彊敵德曰武與有德者敵

溫柔賢善曰懿性純淑

克定禍亂曰武以兵征故能定

心能制義曰度制事得宜

刑民克服曰武法以正民能使服

聰明獻哲曰獻有通知之聰

夸志多窮曰武大志行兵多所窮極

知質有聖曰獻有所通而無蔽

安民立政曰成政以安定

五宗安之曰孝五世之宗

淵源流通曰康性無忌

慈惠愛親曰孝周愛族親

溫柔好樂曰康好豐年勤民事

秉德不回曰孝順於德而不違

安樂撫民曰康無四方之虞

協時肇厚曰孝協令肇始

合民安樂曰康富而教之

執心克莊曰齊能自嚴

布德執義曰穆故穆穆

資輔就共曰齊資輔佐而共成

中情見貌曰穆性公露

甄心動懼曰頃甄精

容儀恭美曰昭有儀可象行恭可美

敏以敬慎曰頃疾於所慎敬

昭德有勞曰昭能勞謹

柔德安衆曰靖成衆使安

聖聞周達曰昭聖聖通合

恭已鮮言曰靖恭已正身少言而中

治而無眚曰平無災罪也

寬樂令終曰靖性寬樂義以善自終

執事有制曰平不任意

威德剛武曰圍禦亂患

布剛治紀曰平施之政事

彌年壽考曰胡久也

由義而濟曰景用義而成

保民耆艾曰胡六十曰耆七十曰艾

耆意大慮曰景耆強也

布義行剛曰景以剛行義

追補前過曰剛勤善以補過

清白守節曰貞行清白執志固

猛以剛果曰威猛則少寬果敢行

大慮克就曰貞能大慮非正而何

猛以疆果曰威強甚於剛

不隱無屈曰貞坦然無私

疆義執正曰威問正言無邪

辟土服遠曰桓以武正定

治典不殺曰祁秉常不衰

克敬動民曰桓敬以使之

大慮行節曰孝言成其節

辟土兼國曰桓兼入故

治民克盡曰使克盡無恩惠

能思辯衆曰元別之使各有次

好和不爭曰安生而少斷

行義說民曰元民說其義

道德純一曰思道大而德一

始建國都曰元非善之長何以始之

大省兆民曰思大親民而不殺

主義行德曰元以義為主行德政

外內思索曰思言求善

聖善周聞曰宣聞謂所聞善事也

追悔前過曰思思而能改

兵甲亟作曰莊以數征為嚴

行見中外曰愨表裏如一

敵圍克服曰莊通邊圍使能服

狀古述今日譽立言之稱

勝敵志强曰莊不撓故勝

昭功寧民曰商明有功者

歿於原野曰莊非嚴何以歿難

克殺秉政曰夷秉政不任賢

屢征殺伐曰莊以嚴釐之

安心好靜曰夷不爽政

武而不遂曰莊武不成功

執義揚善曰德稱人之善

柔質慈民曰惠知其性

慈仁短折曰懷短未六十折未三十

愛民好與曰惠與謂施

述義不克曰丁不能成義

夙夜警戒曰敬敬身急戒

有功安民曰烈以武立功

秉德遵業曰烈遵世業不墮改

合善典法曰敬非敬何以善之

剛克為伐曰翼伐功也

剛德克就曰肅成其敬使為終

思慮深遠曰翼小心翼翼

執心決斷曰肅言嚴果

外內貞復曰白正而復始終一

不生其國曰聲生於外家

不動成名曰靈任本性不見賢思齊

未家短折曰傷未家未娶

歿而志成曰靈志事不委命

愛民好治曰戴好民治

死見神能曰靈有鬼不為厲

典禮不愆曰戴無過

亂而不損曰靈不能以治損亂

短折不成曰殤有知而天殤

好祭鬼怪曰靈瀆鬼神不致遠

隱拂不成曰隱不以隱括改其性

極知鬼神曰靈其智能聰徹

不顯尸國曰隱

以間主國

見美堅長曰隱

美過其令

殺戮無辜曰厲

賊良善人

官人應實曰知

能官

復很遂過曰刺

去諫曰復友是曰很

肆行勞祀曰悼

放心勞於淫祀言不修德

不思忘愛曰刺

忘其愛已者

年中早夭曰悼

年不稱志

蚤孤短折曰哀

早未成人知

恐懼從處曰悼

從處言險地

恭仁短折曰哀

體恭質仁功未施

凶年無穀曰荒

不務耕稼

好變動民曰躁

數移徙

外內從亂曰荒

家不治官不治

不悔前過曰戾

知而不改

好樂怠政曰荒

淫於聲樂怠於政事

怙威肆行曰醜

肆意行威

在國遭憂曰愍

仍多大喪

壅遏不通曰幽

弱損不凌

在國逢難曰愍

兵寇之事

蚤孤鋪位曰幽

鋪位即位而卒

禍亂方作曰愍

國無政動長亂

動祭亂常曰幽

易神之神

使民悲傷曰愍

苛政賊害

柔質受諫曰慧

以虛受人

貞心大度曰匡

心正而用察少

名實不爽曰質

不爽言相應

德正應和曰莫

正其德應其和

溫良好樂曰良

言其人可好可樂

施勤無私曰類

無私唯義所在

慈和徧服曰順

能使人皆服其慈和

思慮果遠曰明

自任多近於專

博聞多能曰憲

雖多能不至於大道

嗇於賜與曰愛

言貪悋

滿志多窮曰惑

自足者必不惑

危身奉上曰忠

險不辭難

思慮不爽曰厚

不差所思而得

克威捷行曰魏

有威而敏行

好內遠禮曰煬

朋淫於家不奉禮

克威惠禮曰魏

雖威不逆禮

去禮遠衆曰煬

不率禮不親長

教誨不倦曰長

以道教之

內外賓服曰正

言以正服之

肇敏行成曰直

始疾行成言不深

彰義拚過曰堅明義以蓋前過

疏遠繼行曰紹非其弟偶得之

華言無實曰夸恢

好廉自克曰節自勝其情欲

逆天虐民曰抗背尊大而逆之

好更改舊曰易變故改常

名與實爽曰繆言名美而實傷

愛民在刑曰克道之以政齊之以法

擇善而從曰比比方善而從之

除殘去虐曰湯

隱哀也。景武也。施德為文。除惡為武。辟地為襄。服遠為桓。剛克為僖。施而不成為宣。惠無內德為平。亂而不損為靈。由義而濟為景。餘皆象也。和會也。勤勞也。尊脩也。爽傷也。肇始也。怙恃也。享祀也。胡大也。秉順也。就會也。錫與也。典常也。肆放也。康虛也。獻聖也。惠愛也。緩安也。堅長也。耆彊也。考成也。周至也。懷思也。式法也。布施也。敏疾也。捷克也。載事也。彌久也。

以前周書諡法。周代君王並取作諡。故全寫一篇。以傳後學。

史記正義諡法解 終

史記正義列國分野

張守節

漢書地理志云本秦京師為內史

顏師古云京師天子所居畿內也秦并天下改立郡

縣而京畿所紆特號內史言其在內以別於諸郡守也百官表云內史周官秦因之掌治京師景帝二年分置左內史右內史武帝太初元年更名京兆尹左內史名馮翊主爵中尉秦官掌列侯景帝六年更名都尉武帝太初元年更名右扶風治內史與左馮翊京兆尹是為三輔也

秦地於天官東井輿鬼之分壘其界自弘農故關以西京兆扶風馮翊北地上郡西河安定天水隴西南有巴蜀廣漢犍為武都西有金城武威張掖酒泉敦煌又西南有犍越雋益州

魏地紫艸參之分壘其界自高陵以東盡河東河內南有陳

留及汝南之召陵潁疆新汲西華長平潁川之舞陽鄆陵河南之開封中牟陽武酸棗卷去權反

周地柳七星張之分陜今之河南洛陽穀城平陰偃師鞏氏

韓地角元氏之分陜韓分晉得南陽郡及潁川之父城定陵襄城潁陽潁陰長社陽翟郊東接汝南西接弘農得新安宜

陽鄭今河南之新鄭及成臯滎陽潁川之崇高城陽

趙地昂畢之分陜趙分晉得趙國北有信都真定常山又得

涿郡之高陽莫州鄉東有廣平鉅鹿清河河間又得渤海郡

之東平舒中邑文安東州成平章武河以北也南至浮水繁

陽內黃斥丘西有太原定襄雲中五原上黨

燕地尾箕之分陜召公封於燕後三十六世與六國俱稱王

東有漁陽右北平遼西遼東西有上谷代郡鴈門南有涿郡

之易容城范陽北有新成故安涿縣良鄉新昌及渤海之安

次樂浪玄菟亦宜屬焉

齊地虛危之分陜東有菑川東萊瑯耶高密膠東南有泰山

城陽北有千乘清河以南渤海之高樂高城重合陽信西有

濟南平原

魯地奎婁之分陜東至東海南有泗水至淮得臨淮之下相

睢陵僮取慮

宋地房心之分陜今之沛梁楚山陽濟陰東平及東郡之須

昌壽張今之睢陽

衛地。管室東壁之分壘。今之東郡及魏郡之黎陽河內之壘。王朝歌。

楚地。翼軫之分壘。今之南郡江夏零陵桂陽武陵長沙及漢中汝南郡。後陳魯屬焉。


吳地。斗牛之分壘。今之會稽九江丹陽豫章廬江廣陵六安臨淮郡。

粵地。牽牛婺女之分壘。今蒼梧鬱林合浦交趾九真南海日南。


以前是戰國時諸國界域及相侵伐犬牙深入然亦不能委細故略記之用知大略

史記正義列國分野終


三皇五帝譜系




夏譜系圖




商譜系圖




周譜系圖



秦譜系圖




漢世系圖




曾丁巳平木 秦漢系圖 二八


吳世家譜系圖




齊世家譜系圖




魯世家譜系圖



燕世家譜系圖




蔡世家譜系圖 曹世家譜系圖




大言身言言木
蔡曹系圖
二二九

陳世家譜系圖 杞世家譜系圖




曾丁巳年木
杞系圖
陳杞系圖
三二

衛世家譜系圖




晉世家譜系圖




大司馬言譜系
趙世系圖
鄭世系圖
魏世系圖

越世家譜系圖 鄭世家譜系圖




趙世家譜系圖 魏世家譜系圖




大司馬言譜系
魏世系圖
趙世系圖
鄭世系圖

五帝國都地理圖




涿鹿黃帝所都帝
 丘顓帝所都亳高
 辛所都冀州堯所
 都蒲坂舜所都涿
 鹿冀蒲坂皆在河
 東是時方有九州
 故河東河北一也
 其初水患既平禹
 別天下為九州後
 以人物浩繁析青
 為營析冀為幽并
 凡十有二州

韓世家譜系圖 田齊世家譜系圖




史記卷一百一十五 田齊世家 韓世家

夏商國都地理圖




安邑禹都亳湯所都禹會諸侯于塗山今京東路又會諸侯于會稽今兩浙路仲乙遷于囂河宣甲居相祖乙遷于耿武王與紂戰于牧野皆今河北路

周國都地理圖




周太王居邠文王都豐武王都鎬皆在今永興秦鳳路周公營洛邑居九鼎平王爲犬戎所逼遂遷都于洛今京西路周分九州比禹貢添幽并無徐梁

秦六國地理圖



春秋十二諸侯五相吞滅，至戰國時止七國。秦吞二周，併六國，開巴蜀，置桂林象郡，閩越、東越皆臣屬。時楚地最廣，皆荆湖淮南、江南諸路，皆是兩浙、二廣、福建亦屬也。

漢國地理圖



沛、高帝所居也。漢中、高祖初王所也。洛陽、漢初欲都此，以婁敬言遷長安。斬陳勝起兵處，下項羽所居，三秦人地。滎陽、京索成，阜鴻溝，皆劉項戰爭之所。泰山、武帝封禪處。賈捐之請罷朱崖，即今廣南海中瓊崖也。西南夷、武帝所通。先零、諸羌、趙充國所服。朔方、衛青逐樓煩王，置此郡。

漢國地理圖

秦六國地理圖

史記評林凡例

一太史公史記批評古今已刻者。惟倪文節史漢異同。楊升庵史記題評。唐荆川史記批選。柯希齋史記考要。其抄錄流傳者。何燕泉。王槐野。董潯陽。茅鹿門數家。若楊鐵崖。王守溪。陳石亭。茅見滄。田豫陽。歸震川數十家。則又蒐羅而出之。悉選錄入。茲刻更閱百氏之書。如史通。史要。史鉞。史義。唐宋確論。史綱辨疑。黃東發日抄。丘瓊山世史正綱。日格子學史之類。凡有發明史記者。各視本文。標揭其上。間有總論一篇。大旨者。錄於篇之首尾。事提其要。文鈎其玄。庶其大備耳。

一諸名家讀史總評。散見各集。茲刻輯錄於前。一展卷可

得大旨云。

一史記原引詩書左傳國語世本戰國策呂氏春秋楚漢春秋諸書間有撮其要而未及詳者茲併錄全文於上名之曰按仍下一字以別之。

一百氏之書如風俗通白虎通越絕書說苑新序論衡韓詩外傳等類與史記互相發明茲擇其切要者錄之於上以備考証亦名曰按云。

一篇中綱領節目關鍵諸家未評者茲僭揭于上亦曰按云。

一篇中虛實主客分合根枝與夫提掇照應總結及單辭賸語批評所不能載者悉注于傍。

一史記文法有連數十字不斷句而不句者則圈于中為讀有止一二字當斷不句而句者則圈于側為句一以宋本今監本為則。

一史記舊本每有分裂本文嵌註于句中者茲註於句之下庶便誦讀云。

一史記舊本每相牴牾涉于兩是者不敢妄為改攬悉依宋本仍傍注一本某字作某字以俟博古者訂之。

一蘇子由古史贊史記之羽翼也呂東萊十七史詳節列于太史公贊後而與索隱述贊並茲刻或用東萊所纂或用子由全文一如十七史詳節例古史所無者闕之。

一索隱述贊舊本大字與本文無別故每或病而刪削之。

茲刻述贊與古史並細書。所以別本文也。

一東坡指掌圖。所以詳群邑之沿革。茲刻於帝王侯世系圖。歷代地理圖。皆繪于前。一如呂東萊十七史詳節例。一史記兩處重出。各有註釋不同。如武帝紀與封禪書之類。茲併注一處。而本文則仍其舊云。

一史記篇名次第。已見太史公自序中。舊本致有改易篇名。紊亂次第者。如以老子居首。而與伯夷同傳。甚為無謂。茲依太史公自序云。

一太史公沒後。逸景帝紀。漢興以來將相年表。禮樂律書。三王世家。斬削日者。龜策列傳。凡十篇。有錄無書。元城褚先生補之。雖非太史公手筆。茲仍存之。以足一百三十卷之數云。

十卷之數云。

一小司馬氏補三皇本紀。茲列于目錄之前。以非一百三十卷之原數也。

一五帝等紀。酷吏等傳。雖數人同叙。其血脉聯絡本為一篇。舊本割裂分題。殊失本旨。茲仍合之。各自為起。又始皇等紀。以歲次起。歷律等書。以象緯起。皆以便觀覽也。一史記刻本。自宋元迄今。不下數十家。但近時見行者。杭本無索隱述贊。白鹿本無正義。陝西本缺封禪河渠平準三書。惟金臺汪本。蒲田柯氏所校。頗少差謬。茲刻以宋本與汪本。字字詳對。間有不合者。又以他善本參之。反覆雙言校。庶免亥豕魚魯之弊云。

隆自弱冠讀先大夫史記抄。且且夕焉。而悵其未備也。嘗博蒐羣籍。凡發明馬史者。輒標識於別額。積草青箱非一日矣。乃伯兄稚哲友人金子魯來自國門。獲所錄諸名家批評總總焉。私竊艷之。而雲間張玄超持所纂發微者。造余廬而印証也。已復負笈大方。益羅史家所珍秘者。彙之而哀然成帙矣。則為嗜古者相假貸無寧居焉。古歎汪氏維揚張氏咸稱好事。遂各捐貲付梓。肇於萬曆甲戌。訖於今丙子冬。編摩歲月形勞神悴。聊以償疇昔之志。若其見聞阻狹。掛一漏萬。則以俟多識君子。金子魯名學曾。張玄超名之象。先大夫諱約言。伯兄名迪知。併書以志本始云。

吳興後學凌稚隆識

蓋自史記評林行。龍門子益籍是赫寰中矣。余讀諸集評曰。心苦哉。節有度。詳而有體。讀篇後諸佐評曰。美哉淵淵乎。若臚列讀凌自評斷曰。白雪陽春維寡和矣。顧又聞徐龍濟叙史評。以凌不及錄。其評為恨。余用是摺摺葵陽老師及鳳洲龍濟九我。了凡如箇諸名公言。眎凌評倍之。每段冠一增字示別。而余也。欸敬漫著光緒曰三字。與凌評竝云。客曰。駢拇枝指而繁於辭。不地足乎。是不然。夫有麟經則有左聞人。裔是而公穀足矣。趙胡康侯

又著傳。爲麟經翼也。不則尊公穀。呂臨宋儒。夫孰能不波。猶自勤。俞兒狄牙善而羞。冀人口。曩哉。客曰然。

溫陵後學李光縉識

史記評林凡例終

史記評林姓氏

晉

葛洪字容父東陽人

南北朝

沈約字休文吳興人 劉勰 東莞人

李蕭遠

唐

韓愈字退之南陽人 白居易字樂天華州人

柳宗元字子厚河東人 權德輿字載之洛陽人

李德裕字文饒贊皇人 高參 南陽人

元 積字微之河南人 陳越石

皮日休字襲美襄陽人 李 觀字元賓趙州人

李 翱 劉知幾字子玄彭城人

宋

王禹偁字元之鉅野人 歐陽修字永叔廬陵人

范仲淹字希文姑蘇人 孫 復字明復平陽人

司馬光字君實夏縣人 劉 敞字原父新喻人

蘇 洵字明允眉山人 王安石字介甫臨川人

林之竒字少穎侯官人 劉 攽字貢父新喻人

蘇 軾字子瞻眉山人 蘇 轍字子由眉山人

秦 觀字少游高郵人 鮑 彪 縉雲人

晁無咎 劉子暈字彥中崇安人

鄭 樵字漁仲莆田人

倪 思字正甫歸安人 羅大經字景綸廬陵人

陳傅良字君舉瑞安人 朱 黼

舒 雅字堅甫廬州人 劉辰翁 廬陵人

呂本中字居仁河南人 費 衮 無錫人

呂祖謙字伯恭金華人 吳師道 東陽人

楊 時字中立將樂人 李 塗字性學

胡一桂字庭芳婺源人 朱 翌

蔡 沈字仲默建陽人 陳仁子

黃 震字東發慈谿人 洪 邁字景廬鄱陽人

真德秀字景元浦城人 樓 昉 鄞縣人

曾子思字平林 姓氏

張 耒字文潛淮陰人 宋 無字子虛

王應麟字伯厚慶元人 唐 庚字子西丹陵人

陳 經字子經奉化人 黃履翁字吉父三山人

謝枋得字君直弋陽人 林 駟字德頌寧德人

陳祥道

元

金履祥 蘭谿人 吳 澄字幼清崇仁人

國朝

宋 濂字景濂浦江人 王 禕字子克義烏人

方孝孺字希直寧海人 楊維禎字廉夫會稽人

胡 廣字光大吉水人 王 直字行儉泰和人

楊士奇字以行泰和人 胡 儼字右思南昌人

王 懋字敬勉錢塘人 夏 寅字正夫華亭人

周洪謨字堯佐長寧人 楊守陳字維新鄞縣人

王 鏊字濟之吳縣人 吳 寬字原博長洲人

謝 鐸字鳴治太平人 丘 濬字仲深瓊山人

程敏政字克勤休寧人 邵 寶字國賢無錫人

錢 福字與謙華亭人 李應禎字禎伯長洲人

李東陽字賓之茶陵人 陸 欽字鼎儀崑山人

楊循吉字君謙吳縣人 呂 柟字仲木高陵人

李夢陽字獻吉慶陽人 何孟春字子元郴州人

王九思字敬夫鄠杜人 王守仁字伯安餘姚人

晉書卷一百一十五 姓氏

康 海字德涵武功人 何景明字仲默信陽人

董 玘字文玉會稽人 崔 銑字子鐘安陽人

陸 深字子淵上海人 張邦奇字常甫鄞縣人

徐禎卿字昌穀太倉人 王 韋字欽佩江浦人

邵 銳字思抑仁和人 胡纘宋字孝思泰安人

楊 慎字用修新都人 鄒守益字謙之安福人

霍 韜字渭先南海人 王廷陳字雅欽南岡人

陳 震字聲伯德清人 陳 沂字魯南鄞縣人

許相卿字台仲海寧人 廖道南字鳴吾蒲圻人

黃 佐字才伯香山人 馬汝驥字仲房綏德人

顧 璘字華玉吳縣人 朱應登字升之寶應人

邵經邦字仲德仁和人 林希元字茂貞同安人

敖 英字子發清江人 陸 燾字子餘長洲人

田汝成字叔禾錢塘人 袁 袞字永之吳縣人

羅洪先字達夫吉水人 唐順之字應德武進人

許應元字子春錢塘人 黃省曾字勉之吳縣人

柯維騏字奇純莆田人 王慎中字道思晉江人

王維楨字允寧華州人 閔如霖字師望烏程人

凌約言字季默烏程人 茅 瓚字邦獻錢塘人

董 份字用均烏程人 高 儀字子象仁和人

蔡汝楠字子木德清人 汪道昆字伯玉歙縣人

茅 坤字順甫歸安人 余有丁字丙仲鄞縣人

薛應旂字仲常武進人 張之象字玄超華亭人

王世貞字元美太倉人 歸有光字熙甫崑山人

何良俊字玄朗華亭人 宗 臣字子相興化人

吳 鼎 錢塘人 尤 瑛字汝白無錫人

高 岱字伯宗京山人 葉 盛字與中崑山人

李攀龍字于鱗濟南人 陳文燭字伯玉沔陽人

劉 鳳字子威長州人

以上諸名家字里無考者闕。猶有不及載姓氏者。以所評僅得一二節。故不敢槩錄于此云。

增補

吳國倫字明卿武昌人 徐中行字子與長興人

黃洪憲字懋忠嘉興人 盧舜治字恭甫烏程人

屠 隆字長卿東海人 袁 黃字儀卿嘉興人

李廷機字爾張晉江人 焦 竑字弱侯北海人

陳懿典字孟常秀水人

史記評林姓氏終

史記評林引用書目

史評

史記題評 楊慎

史記選要 唐順之

王守溪史記評抄 鏊

何燕泉史記評抄 孟春

茅見滄史記評抄 瓚

凌藻泉史記評抄 約言

茅鹿門史記評抄 坤

王遵巖史記評抄 慎中

史通 劉知幾

史記考要 柯維騏

監本史記 余有丁

陳石亭史記評抄 沂

王欽佩史記評抄 章

董潯陽史記評抄 份

王槐野史記評抄 維楨

張王屋史記發微抄 之象

史要 衛颯

古史 蘇轍

十七史詳節 呂祖謙

史漢異同 倪思

史鉞 楊維禎

史義拾遺 楊維禎

世史正綱 丘濬

日格子學史 邵寶

史綱辨疑

三史文類

文翰大成

文苑英華

文章辨體

文章正宗

文編

雜編抄

崇古文訣

文章精義

文髓

古文類抄

文章關鍵

妙絕古今

唐文粹

唐宋名賢確論

韓昌黎集 愈

柳柳州集 宗元

歐陽文忠公集 修

白樂天集 居易

皮日休集

宋文鑑

蘇老泉集 洵

王臨川集 安石

蘇文忠公集 軾

樂城集 蘇轍

西京雜記 葛洪

張文潛集 耒

秦淮海集 觀

劉屏山集 子翬

呂東萊讀書雜記 祖謙

黃氏日抄 震

鶴林玉露 羅大經

容齋隨筆 洪邁

宋景文公筆記 祁

困學記聞 王應麟

梁溪漫志 費衮

皇明文衡

皇明文範

皇明文則

宋潛溪集濂

遜志齋集方孝孺

野客叢書王楙

震澤長語王鏊

吳匏菴集寬

程篁墩集敏政

何大復集景明

李空同集夢陽

董中峰集珙

鄒東廓集守益

懷麓堂稿李東陽

康對山集海

王文成公全書守仁

朱凌溪集應登

陸儼山集深

羅念菴集洪先

黃五嶽集省曾

王氏存笥稿維楨

副墨汪道崑

玩芳堂稿王慎中

許茗山集應元

宋子相集臣

田叔禾稿汝成

歸震川集有光

史按

尚書

禮記

左傳

穀梁傳

公羊傳

國語

戰國策

晏子春秋

吳越春秋

呂氏春秋

爾雅

世本

孔子家語

老子

莊子

列子

曾子

引用書目

淮南子

荀子

抱朴子

孔叢子

大事記

越絕書

前漢書

漢紀

論衡

說苑

新序

白虎通

風俗通

鹽鐵論

帝王世紀

竹書紀年

山海經

列士傳

列女傳

古史考

通志書

文獻通考

朱子綱目

杜氏通典

劉氏外紀

博物志

許氏說文

兩漢精華

一統志

地理志

通鑑纂要

人代紀要

兩漢博聞

丹鉛總續餘聞四錄

芥隱筆記

攝山記

襍事篇

右史評書目。先列史記諸書名家諸抄次及文翰大成而下。以所重在評史者。書之先後弗計也。

增補


王鳳洲四部稿

焦氏數林

李滄溟集

焦氏筆乘

史記評林引用書目終



特56
3

003278-001-7

特56-3

增訂史記評林

凌稚隆/編

M2

ACC-1634

